

貴池縣志卷四十四

知貴池縣事陸延齡重修

辨訛

府志世表載興平二年孫策討石城宣城涇安吳陵陽春穀六縣山賊考江表傳建安二年以策爲騎都尉襲爵烏程侯會稽太守是時陳瑀屯海西策奉詔討袁術行到錢塘瑀陰圖策遣都尉萬演等密渡江持印傳三十餘細賊與丹陽宣城涇陵陽始安黟歙諸縣大帥祖郎焦已等爲應策覺之遣呂範徐逸攻瑀於海西大破瑀吳志程普傳策入會稽以普爲

貴池縣志

卷四四

雜類志 辨訛

一

吳郡都尉徙丹陽居石城復討宣城涇安吳陵陽春穀諸賊皆破之無討石城山賊之事且使石城有賊能徙而居之耶康熙府志世表載黃武二年封周泰爲石城侯考吳志周泰傳權欲進圖蜀拜泰漢中太守奮威將軍封陵陽侯則是泰封陵陽作石城誤矣通鑑綱目權破荊州漢建安二十四年事府志以泰之封侯在二十一年亦非

府志以荊州刺史陶侃討杜弢之黨於石城戰敗列八世表考晉書本紀建興元年杜弢寇武昌焚燒城邑荊州刺史陶侃討弢黨杜曾於石城爲曾所敗按此石城在湖北安陸府西

北又晉書羊祜傳祜都督荊州進據險要開建五城收膏腴之地奪吳人之資石城以西盡爲晉有成帝本紀咸康四年石季龍將夔安等陷沔南因寇江夏義陽進圍石城竟陵太守李陽拒戰破之宋書劉懷肅傳元興三年僞鎮東將軍馮該戍夏口懷肅與振武將軍道規攻之該走石城道規遣懷肅平石城蒯恩傳義熙十一年恩與沈林子追魯軌於石城軌棄城走恩追至襄陽此皆屬湖北之石城卽後漢書注所謂石城故城在今復州沔縣東南與宣城郡之石城縣無涉則以陶侃戰敗之石城當貴池舊縣非矣

貴池縣志

卷四四

雜類志 辨訛

二

黃巢之陷池舊府志據通鑑乾符五年書寇宣州謂雖不書陷池而池屬宣之觀察使故以宣統池其說非是考唐書本紀乾符五年三月黃巢陷濮州寇河南八月陷杭州九月陷越州執觀察使崔琢等十二月陷福州無陷池州之事六年十月陷鄂宣歙池四州黃巢傳乾符六年十月巢掠江西再入饒信杭州攻臨安還殘宣歙等十五州曰宣歙等十五州池當在內則池之被陷在六年非五年也今貴池縣東三十里有黃屯相傳爲黃巢屯兵處舊府志不考唐書而據通鑑之寇宣傳會以爲之說誤甚

齊山漫巖舊府志並云張環題名唐公巖亦云張環題考宋史張環字唐公洎之孫舉進士召試學士院賜第累擢知制誥進翰林侍讀學士今觀漫巖磨崖爲張環唐公非張環與宋史合故易之

府志山川志引宋王哲齊山洞天記注端平中列於周必大泛舟山浙錄之後以錄作於乾道三年自應在端平前也然必大錄中敍九頂洞明言嘉祐間太守王哲易名集仙宮不知何所見而注爲端平今據錄改嘉祐

府志引王哲齊山洞天記西北有玉桂巖齊山有玉柱巖無玉

貴池縣志

卷四四

雜類志 辨訛

三

桂今改玉柱

府志以吳陶雅列刺史考十國春秋雅爲池州團練使今改入監司

府志江南通志以宋王明列知州考宋史王明傳開寶七年將用師南唐以明爲黃州刺史密授成算明旣視事完葺城壘訓練士卒王師自荆渚乘戰艦而下卽以明爲池州至岳州江路巡檢戰權都部署非知州也按宋史職官志云大藩府或沿邊州郡兼兵馬鈐轄巡檢凡屬縣之事皆統焉與各州縣巡檢不同都部署之職尤重曹彬潘美嘗爲行營都部署

戰櫂者戰船也爲戰櫂都部署以別於行營都部署也今改入監司

宋陳規知池州兼沿江安撫使王瓚知池州兼管内安撫使馬天驥知池州兼江東提舉常平俱見宋史列傳又史定之提舉江東鹽茶兼知池州見府志而府志俱列之知州表今監司知州並列

康熙府志成昂知池州云在開寶癸酉癸酉乃開寶六年時宋尚未取池州乾隆府志於樊知古改註開寶元年而以昂次知古俱誤考萬曆府志名宦傳成昂宋初知池州時鬢宇未

貴池縣志

卷四四

雜類志 辨訛

四

立昂始建學校教化淳興應在開寶九年太祖既定江南之後今職官表以昂次知古

康熙府志職官表張存後有胡則字子正永康人進士坐失舉謫知池州未行復諫議大夫見宋史列傳及范文正集江南通志亦列職官表乾隆府志謂則旋謫旋復未嘗至池削之今從其例

宋史滕元發傳舉進士廷試第三歷知應天府青齊鄧三州會婦黨李逢爲逆黜知池州未行改安州康熙府志據蘇穎濱蕭相樓詩自注云池守滕元發時將解去以爲知池州之證

乾隆府志從之但名宦傳謂熙甯二年改知池州而職官表又列紹聖初錢勰之後誤

康熙府志徐偉達注紹興中知池州見宋史江南通志亦列之職官表乾隆府志謂偉達受張邦昌僞命不應列於正秩削而不載考宋史邦昌僭號四十餘日建炎元年九月賜死潭州則偉達之知池自當附章嵩之後以爲在紹興中者固誤然據史直書褒貶自見削之亦非

宋史本紀建炎三年右司諫袁植請誅黃潛善及失守者權邦彥等罷植池州舊府志均列表袁植於陳規之後今據宋史正

貴池縣志

卷四四

雜類志 辨訛

五

之

唐書本紀德宗在位二十五年改元者三首建中次興元又次貞元康熙府志列建中刺史張巖在貞元裴度後殊誤今正之

乾隆府志名宦傳旣謂盧肇舉會昌三年進士第一咸通中出知歙州徙池州咸通乃唐懿宗年號職官表不應又列李方元杜牧之前今正其誤

五代史南唐世家楊溥僭號拜李昇太尉中書令太和三年出鎮金陵四年封東海郡王其吏周宗詣廣陵見宋齊邱謀代

齊邱以爲未可請斬宗以謝吳人乃黜宗爲池州刺史則宗刺池時國仍是吳新舊府志列之南唐殊非今改作吳乾隆府志謂今一指庵有南唐刺史王繼勳題妙空道場詩贈守訥禪師者勒石在宋景定壬戌乃後僧追刻當是皇甫繼勳省皇作王非有兩人考南唐書泉州裨將劉從効劫刺史王繼勳入朝遂以繼勳爲池州團練使其爲此人無疑非皇甫之誤也團練使兼刺史故書刺史至宋史有兩王繼勳一爲汾憲磷石磁荆道七州刺史一爲溪州刺史俱未刺池且與南唐無涉

貴池縣志

卷四四

雜類志 辨訛

六

乾隆府志職官表宋知州張士詡誤作上詡參軍黃季岑誤作孝岑明經歷湯士敏誤作七敏種種訛錯不可枚舉今本萬歷康熙諸府志正之

宋池州教授周南乾隆府志職官表列紹興康熙府志列紹興考宋史黃度傳甯宗初度知婺州坐不發覺縣令張元弼贓罪降罷壻周南平江人登紹熙進士授文林郎池州教授坐度並罷俱入僞黨開禧三年召試館職對策詆權要又劾罷之今觀齊山竇雲巖磨崖慶元丙辰二月十一日姑蘇周南來爲郡文學明年七月十三日報罷命未下挈家齊山八月

十九日行按丙辰爲慶元二年則兩府志俱誤矣今正之
宋端平四年池州教授張夢錫府志職官表列淳祐之後按理
宗年號由端平而嘉熙而淳祐府志殊爲倒置今易之
府志科目表有洪武三十二年至三十五年考明史洪武在位
三十一年其有三十二年至三十五年者乃太宗除去建文
年號用太祖年號非公義也府志殆因明志而誤今改建文
府縣舊志科目中無樊若水考宋史列傳開寶三年若水詣宋
上書言江南可取狀請造浮橋以濟師太祖令試學士院賜
本科及第是當列科目矣今增入

貴池縣志

卷四四

雜類志 辨訛

七

府志蘇劉義傳載陸秀夫與劉義立益王於福州以澳風驚殂
元兵至中軍張世傑與劉義斷維以十餘舟奪港奔碭州復
立昺考宋史張世傑傳世傑以碭州不可居徙王新會之厓
山宏範據海口世傑率蘇劉義大戰宏範攻厓山薄中軍世
傑乃斷維以十餘艦奪港去欲復求趙氏後立之又陸秀夫
傳厓山破世傑劉義各斷維去是居碭州在徙厓山之前而
奪港又在厓山之後也今據史正之

府志黃觀傳觀受學元翰林黃昇昇死節益自砥礪縣志注齊
山翠微精舍云黃觀師黃昇讀書之所考元史黃昇傳昇字

殷士撫州金谿人至正十七年由國子監助教擢翰林待制十七年京城破尋赴井而死至正十七年卽洪武元年也觀於洪武二十四年及第時年三十一歲則元年觀方七歲其父又非同官京師豈有數齡童子越數千里從師之事其說起於龔守愚焦竑作侍中傳未知何據而明史誤采之今不錄

府志武勳曹禹芳傳云左良玉兵敗襄郢下略安池操撫李日芄奉命平寇禹芳條江防十策頗採納之考明史左良玉傳崇禎十七年封甯南伯明年良玉檄討馬士英至九江死夢

貴池縣志

卷四四

雜類志 辨訛

八

庚立諸軍自彭澤下陷建德東流殘安慶獨池州不破則左兵再至池順治元年事也江南通志名宦志李日芄順治七年擢安徽操江都御史事隔六年府志誤甚按康熙府志世表左兵至池州新橋廉勝營獲諜賊三人勇勝營以銃擊死左兵官一人卒四人四營兵出戰斬首八級獲鐵鎧一船兵備道劉開文駐池州則禦寇者開文也今改開文

江南通志義烈志載程宗尹妻吳氏又載吳氏果妹考府志程宗尹妻吳氏果妹係一人作二人誤又呂先謙妻吳氏通志作吳先謙妻吳氏池俗無同姓聯婣之事戴孟仁妻江氏通

志作載孟仁袁州守陳鉄繼室馮氏府志作陳鐵俱誤今並
正之

以上漆志

貴池縣志

卷四四

雜類志 辨訛

九

原序

周體觀 按察副使 貴池縣志原序

邑志甫就草予過池陽詢志於貴池李令獲備覽焉問所屬筆則文學劉子廷鑾鮑子可大處士吳子非諸人因遺書商之少有所損益歷夏徂秋志成不能忘所有事屬爲序言志者何紀時也天時人事三十年一小變貴之志缺焉百年曾無專書附郡以行無論郡所載約而弗詳卽郡且詳哉亦惡乎當邑載耶夫載籍之法國有史焉一郡有志一邑有志下而一里一家莫不有乘乘所載邑畧之邑

貴池縣志

卷四四

雜類志 舊序

十

雖不外乎乘而不盡乘也邑之不盡乎乘者勢也郡之收邑史之收郡一猶之乎邑之收乘而不盡乘也郡所載史收之史所收者郡存之史所略者郡亦不盡廢也亦勢也邑之存郡乘之存邑也亦如之是郡且備邑邑猶不可以無專書也貴可以邑附郡已耶且志者直也裨官之家獻老之言不過三紀近則徵徵則實實則直過此則聞焉爾又過之則傳聞爾貴志不講百有餘年見者什一傳聞者什九其於所謂徵實之道且邈焉過期岌岌乎唯放逸是愆茲一編犁然在也創者如因聞者如見簡而不陋該而

不僭固三子力矣使三子發諸家之藏足補未備雖在寥廓而不虞夫久而湮沒者猶通邑之幸也夫後有繼者慎勿忘斯編之始事也順治丁酉

知縣李愈昌貴池縣志原序

貴池在漢爲石城在隋爲秋浦見之史傳者最詳且久固池陽附郭劇邑也河閒李愈昌筮仕於茲越三年矣數奉上檄徵縣志旁求再三始知邑無專乘特取諸府志而已不惟府志畧於屬邑且自萬厯壬子至今垂五十年中經鼎革事多散遺不可一日緩乃謀諸耆舊得貴池劉氏掌

故善本纂要刪繁加以綜核凡逾月而書成捐粟鋟版告於上臺工既竟伏讀而嘆曰史氏之職不其難哉無惑乎韓昌黎卻顧而不前也姑置蘭臺勿具論卽以志乘言愈昌一行作吏風塵奔走數歲之中大則勸農設柵小則視騎堠亭車輪馬足縱橫貴池水陸二百餘里閒黃童白叟無弗詢漁樵工賈無弗咨往追荒古下迄今茲風土山川物華人紀含毫操簡三四躊躇初不能遽更僕而數也又況夫人直承明共修國史者乎然愈昌之無私興除也無私是非也無私去取也鄉先生以下父老以上皆知之皆

言之貴池處江淮不啻黑子自唐以來哲人輩出入明尤盛至今士秀而民淳男誠而女朴急公好義蓋猶有古之遺風焉惟是食貨希而田賦重薦紳少而等威輕壤鄰多狗吠之虞濱水切鼉更之慮此固上臺之所綢繆已久而無俟鯁鯁過計者也愈昌孱弱經生遠不克效黃將軍之聲施取重於周公瑾近愧崔秋浦文采風流見稱於李供奉徒以簿書期會撫字催科畢其誦讀之願於此志乎惡焉名曰略者知其不盡而闕之以待後之君子云遂書此於末簡順治丁酉

貴池縣志

卷四四

雜類志 舊序

十一

知縣梁國標貴池縣志原序

貴池古秋浦邑昔賢以循良著聞者載在邑志代有其人余於庚午歲承乏茲土兢兢焉求所以稱民社之責者茫無據也邑附郡爲首縣得日夕太府大人之前奉教指南稍免隕越公餘取縣志舊本若干卷繙閱之念此鄉湖山秀麗人物蔚起徵文攷獻不患無實而簡編殘脫十存其半蓋從

章皇帝丁酉以迄於今三十餘年一世矣而放失若此抑何以備輶軒之使過而采風問俗爲耶縣官知一縣之事掌故

應存莫此爲急於是就圖籍之缺者補譌者校殘者整版
初隘今大之視昔之衰集者無敢刪也其有關政教者無
敢遺也凡見聞爲前之未逮者不敢不博采也野史家乘
不敢不旁搜也篇目仍其舊隸事從其新通古今之變具
得失之林故觀乎輿地知險要而地道可因矣觀乎風土
知奢儉而民政可平矣觀乎賦役知供用而財求可阜矣
觀乎官制知張弛而補救可施矣觀乎選舉知用才而民
志可立矣觀乎人物知辨等而民治可久矣且武城有弦
歌子產有辭令仕優則學潤色皇猷故以藝文終焉若夫

志以繼史而史氏三長昌黎公猶遜謝弗居予又何敢勝
任乎抑仍其舊而借手於劉氏之拾遺兼詢諸學博以共
襄告成而剗劂之費則捐俸從事不問之里民以滋擾云
康熙壬申

知縣謝錫伯貴池縣志續編原序

余之來令貴池也自定遠道皖江順流以達於清溪一泓
光潔宛在鏡中四顧秀嶺層巒如拱如揖恍然有山水親
人之意余亦覘山水識美惡而大有意於是邑也旣蒞事
迺求邑之故實思以因地因時善其治理而邑志一書半

脫殘不可檢閱蓋自康熙壬申鋟版越歲既久鼠嚙蠹蝕
漉滅已甚伏念我

聖朝重熙累洽休養百年貴池在江南爲劇邑涵濡生息至深
至渥民物日益豐阜人文不少表見用能毓山水之秀而
應

國家德化之成及今不有以哀定而猶因仍貽簡陋之誚非
令之責而誰責哉既又思之郡邑之有志始於唐之元和
原本於周官小史之掌特怪世之刺一郡尹一邑者多亦
講求文獻勒有成書而一經重輯子衿欣於協律紳袍侈

貴池縣志

卷四四

雜類志 舊序

十四

其弁言或踵事以增華或刪繁以就簡不過取前人久定
之故紙更門類易姓名而已求其通於政治關於得失之
較然者無有也余滋懼焉因檢舊志脫殘者共百有二十
餘頁悉補刊其版計後此數十年來民物之豐阜幾何人
文之表見幾何官師政教前事之可師者幾何以至販夫
匹婦弱女黃童亦能植至性而厚倫常足以風感百世者
又幾何豈止風流文藻發山水之清音樹此邦之望而入
作者之林也耶采厥新芳參諸往牒無微不搜有遺必錄
從公餘而論次之遂屬邑庠汪生廷霖詳加校訂得卷八

爲目三十有九凡可續則續之不必續姑置之抑余又有說焉民物山水之滋殖也人文山水之孕毓也昔太白贈崔秋浦曰地逐名賢好風隨惠化春前輩流風深人仰止余幸移令於此猶夫治定遠者以治而繁簡異勢南北異宜齊山之秀秋浦之清皆江南靈淑所鍾士淳民順余願與父老子弟愈加濯磨仰副

聖朝德化之成而余之大有意於是邑者益且敦勉於無已也
乾隆乙丑

知縣漆日榛貴池縣志原序

貴池縣志

卷四四

雜類志 舊序

十五

乙酉春陶大中丞創修安徽通志徽州縣輯志上陳日榛集邑紳謀之諸君子有難色謂自宋末秋浦志正德貴池志不傳劉明經廷鑾於是作貴池掌故順治間李令愈昌因之成志至乾隆初謝令錫伯加以續編前朝故事不無遺珠時遠蹟湮何所徵信其難一自方志載於周禮郡縣志於是乎始然古時民氣樸淳族師閭胥皆書其實至後世詐虞成習後嗣喜誇其祖宗所好易生夫毛羽采風問俗核實何從其難二志者史之流也必備作史之長而後可以修志班馬云遙鴻才希覲南董已往直筆誰任其難

三日榛曰諸君子所見固然然亦在任人在考古而已舊志稱池士夫崇恬退尚氣節又曰見有不義者如見怪物焉忠質之風猶有存者吳劉二氏著述如山以後章戶部永祚郎文學遂諸君皆留意典章編之簡帖文未嘗無徵也浦水齊山靈氣勃鬱衣冠濟濟人士彬彬獻未嘗不足也且悉考輿圖遍察利弊表彰良善闡發幽潛固長民者之事也大憲仁明下求民隱而邑宰壅而弗聞豈惟深孤上意其如人心風俗何是役也曰榛不能以不文辭諸君子又何難焉於是捐廉設局聘禮纂修卽延紳士採訪城

鄉其書本安徽通志條例參以正史體裁博考羣書遍搜金石 舊志補缺刪繁正訛辨誤新采事蹟據實直書雖邑境袤延三百里不能親歷周知未敢信其一 一有當與否要此心差可質諸鬼神爾時郡縣廣文同心協理者汪君熙秦君聚奎馮君秉桓鄭君汝昌紳士任纂修者爲孝廉桂君超萬包君林明經蔣君淦生採訪者明府姚君聯登明經胡君芾呂君百祥徵君杜君桂武舉姚君國華文學章君言甫俞君相唐君聯梯胡君塾黃君承祁丁君家齊張君萬青包君鴻許君彥桂君一輪陳君金鏞陳君瑞

王君道本云

道光八年歲次戊子嘉平月知貴池縣事加三級新昌漆
日榛謹序

貴池縣志

卷四四

雜類志 舊序

十七

貴池縣志補遺

人物志

忠節

曹蓮青咸豐七年殉難冊 採訪

曹志青曹海傍皆咸豐八年殉難冊 採訪

陳佩遷咸豐八年馬嶺被擄不屈見殺冊 採訪

割股

劉同壽父病篤割股救愈 冊 採訪

義行

貴池縣志

卷四四

補遺

一

陳琥瑄嘉靖十三年與陳鳳祥貿易中途遇盜盜將刃祥琥哀

求殺己畱祥祥得免歸為琥立祠祀之祠今尚存冊 採訪

方君德州同銜嘉慶元年荒捐賑冊 採訪

方政從九銜咸豐三年大旱捐賑冊 採訪

曹宗輝咸豐四年捐練勇費銀二百兩冊 採訪

曹敬修道光二十二年捐修城銀八百兩 恩賜國子監典

簿冊 採訪

節烈

姚應雕妻檀氏咸豐間遇賊不從 亂石擊死 張澤泮妻趙氏年廿八守節同治間罵賊被殺

陳湛興妻王氏 年二十一夫故氏哭盡哀葬夫畢守孝方期舍身殉烈學使馬獎以心同古水

方惟愷妻柯氏 咸豐間遇賊恐汚赴塘水死

曹文富妻劉氏 曹志青妻高氏 皆咸豐間殉難

胡世仁妻董氏 年十九夫故守節七十三歲遇賊殉難

江浩妻汪氏 同治二年四月賊至次子被擄氏憤罵賊賊怒刃瘡尋沒以上皆採訪册

節孝

宋馬志文妻徐氏 年二十七夫故事舅姑盡禮撫孤成人

柯秀壽妻包氏 年二十九夫故守節三十餘年 章維雙妻方氏 年二十三夫故守節五十一年

劉鳳祥妻姚氏 年二十七守節五十六歲沒 劉孝芳妻湯氏 年三十撫孤苦節六十五歲沒

貴池縣志

卷四四

補遺

二

趙元相妻胡氏 年二十二夫故守年節四十一年 包臣生妻茆氏 年十九守節現年五十二歲

桂高廉妻孫氏 年二十二守節現年五十九歲 以上皆採訪册

戴珠淵妻徐氏 童儒 何光澤妻程氏 童儒 畢纘志妻姜氏

陳豫妻柯氏 童儒 陳為標妻宋氏 童儒 陳為熙妻孫氏

陳錫坦妻劉氏 監生 陳在勇妻胡氏 陳永紳妻孫氏

陳愕妻王氏 陳本蘇妻呂氏 王有雙妻鄭氏

王以善妻陳氏 王以樂妻鄭氏 王文樹妻趙氏

劉子學妻汪氏 曹敬業妻孫氏 按以上皆採訪册失注姑附於此

以上新纂